

阿爸 ê 鹿角薰吹

蕭平治

阿爸有 tsit 支鹿角做 ê 薰吹。

He 是阿兄 tuà 佇阿里山 leh 做集材工仔 ê 時陣，uì 山內拏著 tsit 支鹿仔 lak 落來 ê 角所做 ê 薰吹。

阿爸足愛 hit 支薰吹，put 時 mā tsah tiâu-tiâu，it--來會當喫薰，真好擲，koh 真好喫；二--來 mā 會當 kā 別 lāng 展講：「這是阮後生 uì 阿里山擲--轉-來-ê！」

即時我 khiā 佇邊--á 聽著，我著知影，阿爸 iù-koh leh 展 in 罔真正 iú 孝 ê！「鹿角薰吹 neh！鹿仔角做 ê，恁敢有？」

攏已經過三十外冬--ah，m̄-koh kàu taⁿ，muí tsit 擺若看著鹿仔 ê 角，就會去想著阿爸擲 ê hit 支薰吹。

會記得有 tsit 工，大概是 e 晡三、四點仔 ê 款，阿爸 beh 喫薰，揣無伊 ê 薰吹，到底拍 m̄見 toh 去 neh？厝內底四界揣透透，攏揣無。

「He 著奇囉？敢會罔跔牛肚福 á in 兜？」

「Jih--ê！汝去福--á in hia 揣看覓 leh！看有 khng 跔 in 桌頂無！」隨時兩步當作 tsit 步走，tsit 目 nih，走 kàu 福--á in 兜：

「阮阿爸 ê 薰吹有 khng 佇 tsia 無？」

「揣看覓 leh！振 á 叔公拄 tsiah 有來過，無的確 khng 佇灶頭 hia！」

「無 leh！」

「抑若無，koh 揣看有佇 lāng 客間仔 hia 無？」

「Mā 無！」

「Án-ni，我著 m̄知 ah！」

揣 kah kui 身軀汗，攏揣無。只好走轉去：

「阿爸！揣無啦！」

「Hiah-nih 飯桶，kan-taⁿ tsit 支薰吹 tō 揣無？Koh 去漏肚西 á in 店仔揣看有無！我頭拄仔有去 hia 坐 tsit 時仔，無定著 lak 佇 hia？」

Koh 揣 kui 半晡，猶是揣無，驚 lāng 罵，走 phng 緊--ê！大粒汗細粒汗 it 直流，拏勢走轉去阿爸面頭前：

「阿爸！Mā 是揣無！」

「He，he 著奇囉？」阿爸 tsit ping 急，tsit ping 用手 khok-khok 比，「Ná 會揣無？Ná 會揣無？」

叔伯兄哥爐 ê 目調金：「阿叔！汝手 lih 擲 ê hit 支是啥？」

「哎！Hioh！擲跔手 lih 講揣 kui 晡啦！」

即時陣，逐家攏笑 kah 吱吱叫！阿爸 mā tsit 面笑，tsit 面點番仔火，大大喙 suh tsit 下，煙對鼻空霧出來！真正爽快。

即時，我 ê 心內，mā 感覺誠歡喜，頭拄仔 hiah ê 艱苦 kap 跤痠，著 án-ne buē

記得 ah !

—選自《阿爸 e 鹿角薰吹》